



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-1-40-223-2/21**

Datum: **25.05.2021. god.**

«Agencija za vodno područje rijeke Save» Sarajevo rješavajući po zahtjevu pravnog lica «HIFA-PETROL» d.o.o. Sarajevo za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent sa lokacije objekta samouslužne autopraonice koji se planira graditi uz postojeći objekat benzinske pumpe u Vitezu, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica «HIFA-PETROL» d.o.o. Sarajevo za donošenje Rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent sa lokacije objekta samouslužne autopraonice koji se planira graditi uz postojeći objekat benzinske pumpe u Vitezu, na zemljištu označenom kao k.č. broj: 334 i 335/1 K.O. Vitez, općina Vitez, s obzirom da za predmetnu aktivnost, a u skladu s odredbama člana 18. stav (2) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada u kojima će obuhvatiti i plaćanje posebnih vodnih naknada za autopraonicu.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovim vodnim aktom, korisnik zaštitnih vodnih objekata nije odgovoran za nastale štete.

O b r a z l o ž e n j e

Pravno lice «HIFA-PETROL» d.o.o. Sarajevo, dana 19.05.2021., podnio je zahtjev za izdavanje prethodne vodne saglasnosti za ispuštanje tehnoloških otpadnih voda u prirodni recipijent sa lokacije objekta samouslužne autopraonice koji se planira graditi uz postojeći objekat benzinske pumpe u Vitezu, na zemljištu označenom kao k.č. broj: 334 i 335/1 K.O. Vitez, općina Vitez.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-21-001400 od 15.02.2021. izdatog od Općinskog suda u Sarajevu,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-UPJR/1-3511-2/08 od 20.05.2008. izdatog od Uprave za indirektno-neizravno oporezivanje Banja Luka,
- Ovjerena kopija Uvjerenja o poreznoj registraciji od 23.02.2005. izdatog od Porezne uprave FBiH-Kantonalni porezni ured Sarajevo,
- Dokaz o uplaćenju upravnoj i administrativnoj taksi,
- Kopija Rješenja o vodnoj dozvoli (izmjena) broj: UP-I/25-3-40-571-6/16 od 13.03.2019. izdatog od «Agencije za vodno područje rijeke Save» Sarajevo,

- Kopija Rješenja o vodnoj dozvoli broj: 05-25-71/19 od 30.05.2019. izdatog od Ministarstva poljoprivrede, vodoprivrede i šumarstva Srednjobosanskog Kantona/Kantona središnja Bosna,
- Kopija Zaključka o odbacivanju u predmetu izdavanja okolišne dozvole za samouslužnu autopraonicu broj: UP I 02-19-11-529/21 od 13.05.2021. izdatog od Službe za opću upravu Općine Vitez,
- Ovjerena kopija katastarskog plana UR broj: 06-30-3-5-3690/2019-2 od 18.09.2019. izdatog od Službe za imovinsko pravne poslove, katastar i urbanizam Općine Vitez,
- Ovjerena kopija Posjedovnog lista broj 1394 broj: 06-30-3-4-3689/19-2 od 18.09.2019. izdatog od Službe za imovinsko pravne poslove, katastar i urbanizam Općine Vitez,
- Ovjerena kopija Zemljišnoknjižnog izvataka broj: 051-0-NAR-19-002 927, ZKU broj: 3214 od 13.06.2019. izdatog od Zemljišnoknjižnog ureda Općinskog suda u Travniku,
- Idejni projekat – Izgradnja praonice 1 box i usisivača u sklopu postojeće benzinske pumpe broj: A-54/20, septembar 2020. urađenog od «ARHITEKT» d.o.o. Zenica (na uvid),
- Glavni projekat–vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih i drugih voda sa platoa, krova objekta i fekalnih voda – objekat benzinske pumpe-podružnica Vitez broj: 25-IB-G/14, mart 2014., urađen od «IBIS» d.o.o. Zavidovići (na uvid).

Na osnovu dostavljene dokumentacije utvrđeno je sljedeće:

- Samouslužna autopraonica sa 1 boksom za pranje vozila i usisivačem se planira graditi uz postojeći objekat benzinske pumpe u vlasništvu Investitora, u ulici Branitelja Starog Viteza, općina Vitez.
- Za objekat benzinske pumpe sa pratećim sadržajima je, od strane ove Agencije, doneseno Rješenje o vodnoj dozvoli broj: UP-I/25-3-40-571-4/16 od 02.02.2017. na ime «LAŠVA-ČS» d.o.o. Kakanj, odnosno Rješenje o izmjeni broj: UP-I/25-3-40-571-6/16 od 13.03.2019.
- Planirano je da se tehnološke otpadne vode iz samouslužne autopraonice prikupljaju sistemom betonskih kanala te putem postojeće i novoprojektovane kanalizacione mreže odvede na tretman u postojeći tipski separator masti i ulja. Preliv iz separatora je u mjesnu kanalizaciju.
- U konkretnom slučaju se radi o proširenju ili rekonstrukciji kanalizacionog sistema za koji je izdata vodna dozvola u skladu sa Zakonom radi odvođenja otpadnih voda sa pripadajućeg područja odvodnje na postojeći uređaj za prečišćavanje, te shodno odredbama člana 139. stav (1) Zakona o vodama i člana 18. stav (2) Pravilnika o sadržaju, obliku i uvjetima i načinu izdavanja i čuvanja vodnih akata nije potrebno izdavanje prethodne vodne saglasnosti za predmetnu aktivnost.

Iz razloga naprijed navedenih, a u skladu s članom 139. stav (1) Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.


Podnosilac zahtjeva je uplatio upravnu i administrativnu taksu u iznosu od 80 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:
– «HIFA-PETROL» d.o.o. Hotonj bb, 71320 Vogošća
– AVP, ISV – Vodna knjiga
– Sektor 40, arhiva
– Sektor 50,
– Oglasna ploča, AVP Sava